

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Commentarius in VIII libr. philosophicorum Arist.
exceptus a Michael Schweizer, mon. Salemitani professo -
Cod. Ettenheim-Münster 359**

Specius, Johannes

[S.I.], 1596

Disptatio philosophica

[urn:nbn:de:bsz:31-132384](#)

297



DE MOTV PHY- SICO IN COMMVNNE, DISPVTTATIO PHILO- SOPHICA.

Motus naturam, cuius cognitio nō
minus difficilis quam Philosopho
naturali vtilis, necessaria, ac pro-
pria est, duabus partibus comple-
cti habet, ut prima explicet causas ac principia
Motus, secunda eiusdem Affectiones.

PARS PRIMA: DE PRINCIPIIS AC CAVSIS MOTVS.

ASSERTIO I.

VID NOMINIS MOTVS SEV
Mutationis generatim sumptus, ut de-
ducit Philosophus in s. Physic. c. i. t. 7.
ex ipso vocabulo μεταβολή latine mu-
tatio (quod μετ' ἀλλό τι, id est, post a-
liud aliquid, & hoc quidem prius illud
posteriorius significat) est tendentia ali-
cuius subiecti ex aliquo in aliquid sive
ex uno in aliud, late sumptis his vocabu-
lis, pro

A 3

lis, pro



Magus Lio

DISPUTATIO

2

lis, proente & nonente. Et recte, quod enim seruat eandem dispositionem non dicitur mutari.

II. Mutationis latè accepta (pro vera tamen actione & passione, quia subiectum per se aliter nunc habet quam prius, qualis non est acquisitio nouæ relationis) duas generales quasi species adequatas cohibet, 1. Motum propriè dictum, quem Aristot. t. 7. citato vocat mutationem à subiecto in subiectum & in sequenti t. 9. sine adiectione Motum. 2. Mutationem strictè, qua & versatur inter terminos à quo & ad quem contradicentes seu priuatiuos, & subdividitur in mutationem à subiecto ad non subiectum, & in mutationē à non subiecto in subiectum: prior appellatur ab Arist. etiam corruptio, posterior, Generatio, & utraq. Arist. est duplex, simpliciter seu substantialis; & secundum quid seu accidentalis.

III. Mutationem substantialē non esse Motum ostendit Arist. ex quid nominis Motus, quod in citato c. 1. t. 8. & 9. supponit essē id; cuius & subiectum sit ens simpliciter seu ens actū substantiali, manens in potentia ad actū accidentalem, quod in 1. de Ortū c. 4. t. 24. materiam impropriè & aliquo modo dictam vocat; & cuius termini sint contrarij. Generationem autem & Corruptionem substantialē ait versari inter terminos à quo & ad quem contradicentes, & pro subiecto inhesionis habere ens in potentia seu non ens simpliciter sine ut in cit. t. 24. loquitur, materiam propriissimè sumptam.

IV. Ens actū in proposito est vel ipsa substantialia composita ex materia & forma, vel sola materia prima quatenus requirit hanc conditionem sine qua non, ut semper actuata maneat aliqua forma substantiali, iuxta diuersam de accidentium subiecto inhesionis sententiam. Ens in potentia est eadem materia prima, quatenus non requirit hanc conditionem, sed apta est actum aliquem substantialē recipere.

V. Terminis, à quo & ad quem tendit, contrarij requirunt has conditiones. 1. vi sint reales ad distinctionem terminorum mutationis.

sionis. 2. incompositiles, ac specie & quandoq; etiam re distincti, secus non posset alter terminus abisci & alter acquiri, quia cum terminus ad quem agenti à quo producitur sit similis, si etiam terminus à quo eid. agenti à quo efficitur, efficit similis, ac proinde non contrarius ac diuersus specie, frustra ab eo corrumpetur. 3. ut ex natura sua vendicent latitudinem ac diuisibilitatem quandam proper quam fiat, ut nec terminus à quo corrumpi, nec terminus ad quem produci ab agente naturali totius simul, sed tantum per partes in eodem subiecto sibi succedentes posse; dum nam mobile perfectè est in termino à quo, nondum mouetur, dum perfectè in termino ad quē, desit moueri. Quare ut dicatur verè moueri, oportet ut existat partim in utroq; termino, ac proinde partim sit in actu partim in potentia, quod fieri nō poterit nisi termini habeat latitudinem.

V I. Hec latitudo seu distantia terminorum secundum quam sit Motus, latè funditur. Alia enim est summa, qualis cernitur inter contraria strictissimè sumpta, que definitur extrema sub eod. genere maximè distantia, & per propriam actionem ab eod. subiecto vicissim se expellentia, ut inter summum calorem & frigus. Alia est non summa, eāz rursus varia, intentionis seu graduum ut in qualitatibus; extensionis seu excessus ac defectus, ut latitudo s. cubitorum inter quantum unius cubiti & quantum sex cubitorum; & latitudo forma que successione ratione unius partis acquiritur, & ratione alterius perditur, qualis cernitur inter diuersa Vbi, vel potius inter principium & finem eiusdem loci. Ad omnem motum aliqua harum contrarietatum requiritur & sufficit.

V II. Ex terminis contrarijs sic declaratis, & partim ex subiecto quod semper est extensum, oritur successio, que constituit Motus propriè dicti essentiam, contentam illa definitione Arist. in 3. Physic. c. 2. t. 6. Actus entis in potentia ut in potentia est. Definitum huius definitionis ex Arist. etiam mente, non est Motus ut distinguitur contra omnem mutationem, sed ut accipitur pro qua si successiva accidentalimutatione, que scil. ait actus entis in actu

DISPUTATIO

4

actus substantiali, sine inter terminos reales sint contradicentes ver-
setur: in qua etiam acceptione negat Arist. Generationem & Cor-
ruptionem substantialem esse Motum, t. 8. 5. Phys.

VIII. Quoad definitionis huius particulas, et si Motus est *virtus*
άρχαιος seu *actus* & *perfectio*, non *absoluta* (quo pacto *Anima* in 2. de
Ani. c. 1. definitur *virtus* *άρχαιος* corporis organici) sed *inchoata* tan-
tum, ut pote via & progressio ad ipsam perfectionem *absolutam*, ab
utroq. tamen abstrahit nomen (*actus*) in definitione Motus positum,
& ad actum imperfectum qui partim est partim non est, tendens
tamen continue ad completam perfectionem, ressingitur per sequen-
tem particulam (entis in potentia ut in potentia) quasi genus per
differentiam quandam.

IX. Nomine entis in potentia intelligere Arist. ipsum mobile
seum motus subiectum, clare indicant & exempla omnia ad declaran-
dam definitionem ab ipso subiuncta, quae pertinent ad mobile, &
definitione illa, 3. Phys. c. 2. t. 16. Actus rei que & quatenus vim ha-
bet ut moueat. Vbi loco entis in potentia ponitur mobile. Po-
test tamen etiam intelligi cum Simplicio ipsum mouens, sicut enim
per motum mobile deducitur ex potentia passiva ad actum, & suc-
cessu mouetur, dum scil. partim iam est actu motum, partim debet
amplius moueri, & ubi perfecte acquisuerit formam, desinit moue-
ri; ita per eund. motum mouens ex potentia activa exit ad effectum
suum, & successu mouet, & ubi perfecte produxit formam, ces-
sat mouere: vel potius ab utroq. abstrahit Motus formaliter, &
utrumq. solum implicite & indifferenter significatur nomine entis in
potentia.

X. Vox (in potentia) insinuat utrumq. terminum, à quo & ad
quem: ad quid enim id quod mouetur est in potentia, nisi ad ter-
minum cuius gratia sit, & quo adepto cessat motus? & quomodo ad
illum est in potentia, nisi actu sit in alio termino, quem posset deser-
re, ut ad illum ad quem est in potentia, perueniat?

XI. Potest tamen predicta Motus definitione paulo aliter explicata,

sicut

sicut & fluxus seu transitus forma, non male accommodari (quid sit de mente Arist.) Generationi etiam praeceps pro instantanea totius simul forme & substancialis introductione sumptus. Est enim generatio h.e.c siue prima receptio, primumque esse formae substantialis, actus & perfectio materie primae, omnium dispositionum completo apparatu instructa, quatenus ipsa iam est proximè & complectè apta recipere seu primò babere formam substantialem, quam immediatè antè non habebat, babere tamen, incompletè apta fuit. Fluxus quoque, tendentia ac transitus est à non esse formæ ad eiusdem esse eo ipso, quod (ut vocabulum prima receptio & primum esse formæ indicat) extrinsecè connotat durationem immediatè precedentem, in qua forma non extitit.

XII. Cum motu coniuncta est Actio & Passio, sicut & Terminus ad quem: quæ tria, & mobili seu patienti insunt subiecta (Motus quidem 3. Phys. c. 2 t. 18. 19. & præsertim 20. & 9. Metaph. c. 9. t. 16. Actio vero 3. Phys. c. 3. t. 19.) & inter se identificantur (Actio enim & Passio cit. t. 18. 19. & præsertim 20. sunt unus idemque re ipsa Motus) & à Mobili re differunt, excepta latione.

XIII. Ead. h.e.c tis ratione ex natura rei à se inuicem dissident, t. 21. & 22. lib. 3. Phys. nempe aut penes diuersos modos absolutos sub eadem essentia, si Motus formaliter cum Fonseca dicatur ipsa forma ab imperfecto esse ad perfectum successu et sine interruptione ita fluens, ut parim sit acquisita & partim restet acquirenda; & Actio consequenter ead. forma prout progreditur ab agente; & Passio ead. forma, prout recipitur in paciente; & Terminus ad quem ead. forma prout fluere cessavit: Aut penes diuersas essentias sub ead. realitate, si cum aliis Motus formaliter statuatur esse ipse fluxus, tendentia ac progressio formæ imperfectæ ad perfectiorem; & Actio consequenter ipsa emanatio formæ ab agente; & Passio ipsa receptio in paciente, sic enim motus essentialiter est quid successuum, forma autem calor v.g. etiam dum acquiritur, minime, altoqui etiam post acquisitionem & finito motu essentialiter in successione consistet.

XIV. Hinc sequitur etiam aliud discrimen, quod Motus ex substantione sit ens imperfectum & educatur ad Categoriam sui termini ad quem, reliqua vero sint entia perfecta, que vel constituent diuersas Categories ut Actio & Passio, vel in diuersis Predicamentis perse posuntur, ut Terminus ad quem. Motum, ut Actionis & Passionis rationem habet, definit Arist. 3. Phys. c. 3. t. 23. actum eius quod & quatenus agere & pati potest.

XV. Motus propriè dicti & hactenus explicati species proxima, & quarum nulla alteram complectitur, tres colligit Peripateticus. Phys. t. 18. Motum ad quantitatem, Alterationem & Lationem, ex eo quod trium tantum Predicamentorum, Quant. Qualit. & Vbi entia, per se & non ratione alterius adiuncti acquirantur per motum; & recte, si quantitas cum probabiliori & communiori sententia & àre quantarum realiter distinguatur, & materia esse coenanegetur, secus enim tam terminata quantitas, qua est alia atq; alia signata, quam interminata, per accidentem terminat motum.

XVI. Motus ad Quantitatem subdividitur à plerisq; in Accretionem, que sit progressio à minore ad maiorem quantitatem; & in Decretionem, que sit progressio à maiore ad minorem quantitatem; tanquam in duas species positivias ac reales, sed male; cum Decretio sicut & Remissio qualitatum sint Motus essentialiter negativi & corruptiones formarum, licet saepe extrinsecè & accidentari diconant minorem formam peracto motu remanentem: qua de causa Arist. in 5. Phys. c. 2. t. 18. perspicue numerat Decretionem inter Motus positivos non tanquam speciem essentialē (sic enim Decretio & Remissio spectant ad 2. speciem Mutationis) sed tanquam accidentalem & aliquo modo, scil. extrinsecè. Quare unicus est verus Motus per se ad quantitatem, Accretio.

XVII. Planum hactenque relinquitur, quoniam sit causa materialis, & quae formalis Motus. Materia enim seu subiectum Motus est ens actus substanciali, manens tamen in potentia ad formam accidentalem. Forma est ipsa Motus essentia iam explicata: sequitur.

DE CAVSIS MOTVS.

7

300

tur causa Efficiens seu principium actuum Motus, quod aliquando est ipsa natura seu forma eius quod mouetur, aliquando est exire secum principium.

XVIII. Accretionis, Decretionis (& ead. ratione aliarum quoque vitalium operationum, ut sentiendi, intelligendi, volendi, &c.) & lattonis mixtae ut progressionis, volatus, natatus, efficiens est anima eius quod his motibus mouetur, Lattonis grauum & leuium (sive Elementorum sive Mixtorum) ad sua loca naturalia principium actuum est duplex, alterum instrumentale, & hoc est internum, ipsa forma substantialis eorum que sic mouentur, & qualitates motuue, 4. Phys. t. 86. & 4. de Cœl. c. 3. t. 25. alterum principale & simpliciter actuum, & hoc est externum, ipse generans, 5. Phys. t. 18. & 8. Phys. t. 17. 29. 32. & 2. Cœlit. 9. & 4. Cœlit. t. 25. & 1. de Ani. t. 19. & t. 38. usque ad 41. & c. 3. de Motu Animal. Eiusdem huius conditionis cum motu grauium & leuium sunt illae alterationes perfectiue, quib. subiecta nativas qualitates contrarij actione labefactatas, integrè recuperant, ut aqua seruens natuum frigus.

XIX. Alterationis propriæ dicta seu corruptiue (& pari modo ipsius Corruptionis ac Generationis substantialis) lattonum celestium, omniumq; motuum violentorum Efficiens est externum. In motibus violentis numeratur motus projectorum, quorum tamen motor principaliter & adæquate non est aer (ut Arist. sentire videtur) sed ipse projector, prout is imprimet rei projectæ qualitatem motricem sua substanciali vicariam, per quam tanquam per instrumentum separatum, censetur etiam absens continuare ac prosequi projectionem.

XX. Id quod de principio actuo motus ferè localis seorsim & ex professo in 7. & 8. lib. Phys. docet noster Philosophus, quidquid mouetur ab alio moueri, id est, nullam rem per se primò sine secundum se totam & non per partem aut per accidentem mouere se ipsum; sed moueri ab aliquo, quod vel supposito adiōque maxime.

B 2

mère.

mēre distinguatur à mobili, cuiusmodi est mouens externum, ut manus proiiciens lapidem; vel sit aliqua pars realiter distincta ab alia parte per se mota eiusdem suppositi quoū mouetur, ut cū mouens est intrinsecum principium, cuiusmodi in animalib. est cor, (secundūm hoc enim per se mouent seipso, & secundūm reliquas partes organicas ex corpore & anima conflatas per se mouentur a se ipsis) id inquam partim verum, partim nec verum nec necessarium est.

XXI. Verum est imò & eidens, quidquid mouetur ad modum dictum, moueri saltem mediātē ab alio, quod nimirum mobili conferat esse ac virtutem mouendi fortè seipsum, et si motum ipsum non efficiat, eidens enim est omnes res quae mouentur, accepisse totam suam naturam ac vim agendi seu mouendi quidpiam, à Deo Opt. Max. nec quicquam habere a seipsis. At omne quod mouetur secundūm se totum, moueri ab alio immediatē, quod scil. efficiat motum (ut contendere videtur Arist. in 7. & 8. Phys.) nec verum est, quando & volendi ac intelligendi potentiae adæquatē manant à substantia intellectiva, in eadēque recipiuntur; & ipsa voluntas per se primō elicit ac recipit suam volitionem; & Angelus carens parte per se mouente & parte per se mota, seipsum proinde per se primō & immediatē loco mouet: nec necessarium est, siquidem non repugnat corpori, ut se totum successiū variis applicet locis, tantum enim sequitur, mobile locale fore simul in actu virtuali & in potentia formalī, non autem (quod implicat) in actu formalī & potentia formalī, cū id quod se vel aliud mouet ad aliquem locum, non requirat ut ipsum prius sit actu in loco, sed sufficit ut in se contineat eam perfectionem, qua possit sibi vel alteri acquirere locum certum, id quod est esse in loco secundūm actum & in actu virtuali.

XXII. Ex maxima ista (Quidquid mouetur ab alio mouetur) sic declarata ostendere conatur Arist. in 7. Phys. c. 1. t. 3. vñz ad t. 9. & lib. 4. Phys. c. 3. 4. & 5. t. presentim 34. & 2. Metaph. c. 2. non dari processum infinitum in mouentibus essentialiter subordinatis. Ceterum

TATIO
DE AFFECTION. MOTVS.

308

rum existere aliquod mouens simpliciter primū, quo nec secundum durationem nec secundum naturam detur aliud prius, & à quo omnes effectus ac mutationes procedant ac gubernentur sive immediatè sive mediatè tantum, ac proinde Deum existere (idem enim est quid nominis Dei ac primi mouentis sic accepti) non videtur aliunde posse demonstrari, quam ex implicazione multitudinis actus infiniti e.

XXIII. Finis intrinsecus Motus generativi & plerumque est quies in termino ad quem adepto, sive conseruatio vel commodum aliquod rei quo mouetur, & alterationis finis extrinsecus est corruptio & generatio. Hec de principiis ac causis Motus.



PARS SECUND'A:
DE PASSIONIBVS
MOTVS.

ASSERTIO. XXIV.

MOTUS propriè dicto primū quadruplex accedit continuitas. Primo enim est continuus ratione mobilis seu subiecti continui, 2. de Ortu t. 62. quemadmodum enim albedo & quodus materialis accidens per extensionem subiecti in ipso diffunditur, ut & motus sicut inest mobili, ut partes unius respondeant partibus alterius. Et propter hanc continuitatem motus maioris mobilis est maior, & motus minoris minor. Secundo ex-

B 3 tenditur

tenditur motus continuae propter continuitatem spacijs seu magnitudinis quem motu continuae pertransitur. 4. Phys. cit. t. 99. & 5. Metaph. c. 13. t. 18. Tertio est quantus & continua propter tempus teste Arist. in Categor. Quantitat. Et bis tribus continuitatibus.

Motus est per accidens & exire secè quantus & continuus.
XXV. Quarto Motus est continua (intra se in secundo modo dicendi per se) continuitate propria & a cuiusvis alterius re continuitate distincta. 4. Phys. t. 104. ubi distinguitur aliud prius & posterius in tempore, aliud in magnitudine & aliud in motu & in eis text. 99. & 18. tempus pronunciatum quantum, propter motum quantum & continuum.

XXVI. Manat hæc quarta continua ab eodem fonte à quo ipsa Motus successio, seu acquisitio successiva, in Latione quidem à continuitate magnitudinis supra quam sit Latio, in Alteratione vero & Augmentatione à continuitate forme, qua motu non rotat simul sed per partes acquiritur: nam Motus est quantus ac continua propter continuum spaciū in quo sit, cit. t. 99. lib. 4. Phys. Et Motus est quantus non proprius id quod monetur, sed propter id quo (vel ut alij legunt) quod motum est, hoc est, acquisitum per motum, cit. 4. 18. lib. 5. Metaph.

XXVII. Neque vero his duobus locis Arist. mens fuit, quod Motus nullam altam, præter spacijs vel termini ad quem continuatatem depositat, sic enim nec tempus (quod eod. t. 99. subiungitur esse continuum per motum continua) per se foret quantum, contradicat enim Arist. in Categor. Quant. doctrinam; sed sensus est (quemadmodum utrobique ipsum declarat Arist.) peculiarē Motus extensio nem in rerum natura existere non posse, nisi magnitudo supra quam sit, fuerit continua; quia vero spaciū per quod sit motus, acquiritur successione & per partes absq; interposita quiete, ideo et ipsa latio successiva continua sit oportet continuitate propria. Idem dicendum de continuitate termini ad quem respectu Alterationis & Augmentationis, & de continuitate temporis respectu continuatis Motus.

XXVIII.

XXVIII. Differt tamen continuitas Lationis & continuitas ceterorum Motuum, illa enim contenta est spacio etiam contiguo (ut cum lapis ex aere per aquam ad fundum descendit) haec requiri semper medium & terminum ad quem continuum, seu unam numero qualitate aut quantitatem, qua sine ulli successionis interruptione acquiritur. Cuius discriminis causa in promptu est, quod latio non identificetur cum spacio seu locis partialibus que pertranscuntur, sicut reliqui motus cum termino ad quem, sed cum ipso mobili aliter atque aliter in spacio continuè se habente, ad quod sufficit ut spaciū sit contignum.

XXIX. Quia igitur Motus quantus ac continuus est, quantum autem 5 Metaph. t. 18. describitur divisibile in ea que insunt; sequitur haec altera proprietas, quod motus sit divisibilis in partes extensionis quadruplices, iuxta quadruplicem continuatatem. Ratione enim prima continua tis in hanc dividitur partes, ut prima pars Motus sit ea qua mouetur prima pars mobilis, caput v.g. in animali, secunda qua mouetur secunda, v.g. pectus &c. ratione secunde continuitatis, prior pars lationis est, qua sit in priore parte spaciij, posterior qua in posteriori; ratione tertie continua tis, quemadmodum unus motus quo transcurrit totum spaciū durat v.g. integrum horam (cum omnis motus fiat in tempore) ita una pars motus est, qua sit in una parte temporis & dimidia qua in dimidia; ratione quartae continua tis prima pars motus dicitur, qua acquiritur continua prima pars termini ad quem, secunda qua secunda, &c. Primam & tertiam Motus divisibilitate ex instituto docet Arist. 6. Physic. c. 4. t. 34. & 36.

XXX. Partes Motus ex propria continua te ei competentes, sicut & cuiusvis alterius continua, physicè seu res ipsa & actus finitae sunt, semperque aliqua earum est prima & aliqua ultima (alioquin Motus actu nec incipere nec desinere unquam posset, & mobile tardissimum aequè citò ac velocissimum percurreret idem spaciū) divisione autem, potestate & mathematicè sunt infinitæ, omnes enim continuum in semper dividua dividunum est, 6. Physic. c. 1. t. 3.

c. 1. t. 3. nullāq; earum est prima aut ultima, sed quamlibet partem motus praeit mutatum esse, & quodlibet mutatum esse praeit motus, c. 6. t. 52. & 55. Et haec distinctione parvium continuū in partes physicas & mathematicas facile soluit Arist. in 6. Phys. c. 2. t. 29. & c. 9. t. 77. & sequentib. & 8. Phys. c. 8. t. 68. ratiunculas Zeno-nis consonantis euertere motum sensu notissimum.

XXXI. Motus secundum partes physicas incipit per primum sui esse & desinit per ultimum esse, secundum partes mathematicas & praeceps ut quantæ sunt speciatas, incipit per ultimum sui non esse, & desinit per primum non esse. Piores duo modi incipiendi & desinendi vocantur instantia intrinseca, cù quod res in illis existant, posteriores duo dicuntur instantia extrinseca, cù quod res non existant in illis, sed post vel ante. Isdem modis incipiunt ac desinunt tempus, quies, & entia permanentia quæ & quatenus cum motu incipiunt, sive per expulsionem contrarij, ut calor cum calefactione per expulsionem frigoris, sive sine expulsione contrarij, ut lumen à sole moto productum in aere.

XXXII. Ceteræ res permanentes quæ habent esse indiuisibile, quales 1. sunt substantie ortui ac interitui obnoxiae, 2. quæ propriè creantur, ut Angelus, anima rationalis, cœli, integra Elementa, materia prima, 3. quæ ad unicum momentum durant, ut instantia temporis, indiuisibilia motus quæ mutata esse nuncupantur, & interdum volendæ ac intelligendi actus (est enim in potestate substantia intellectus, huiusmodi actus continuare.) 4. lumen à quiescente luminoso productum, v. g. à Sole eo instanti quo creatus fuit, in tota regione sua sphære, he inquam res incipiunt per primum sui esse, & desinunt aut desinerent ordinariè per primum sui non esse, exceptis ijs solis, quæ post unicum momentum in quo extiterunt evanescent, he enim desinunt per ultimum sui esse.

XXXIII. Possent Angelus & Anima humana extraordinariè etiam creari (ad eōq; incipere) per ultimum sui non esse, non quidem accommodatè ad naturam temporis, quasi successivè & per partes producerentur, temporèque mensurarentur (iam enim scilicet partibus

partibus constarent, & sic à propria natura exciderent) sed dum tempus fluit, producerentur & existerent in se toti simul; quo pater Deus etiam numerum; quicunque initio creauit, in quolibet instanti & dum tempora decurrunt, conseruat, totum ipsorum esse ipsis conferendo indivisibiliter & sine ulla interna ipsis successione. Eadem de causa annihilari ac desinere possent per ultimum sui esse, presertim cum instantia ac mutata esse, actionesque momentaneas volendi ac intelligendi de facto sic desinant, quantumvis indivisibilia sint. Hactenus 2. proprietas.

XXXIV. Tertia affectio; Motus omnis & quiescit in tempore, 6 Phys. c. 3. t. 29. & c. 6. t. 50. motus enim successio continua cum habeat partes priores & posteriores, consistere nequit sine mora divisibili, que proinde & passio Motus dicitur, & definitur numerus motus secundum prius & posterius 4. Phys. t. 101. At Generatio & Corruptio substantialis ex natura sua mutationes sunt instantaneae, cum versetur circa formas indivisibles, 6. Phys. t. 45. indivisibles inquam secundum intensionem, nam per accidens ratione subjecti extensi possunt esse divisibles, ac proinde etiam divisibiliter absit & acquiri, ut forma ignis in ligno.

XXXV. Quarta passio Motus, quidquid mouetur dividuum sit oportet, 6. Phys. c. 3. t. 32. Vnde & indivisible mathematicum seu quantitatum & quod positionem habet in continuo ut punctum vel linea, quanquam de facto per accidens mouetur ratione, ad motum nempe continuum in quo est, si tamen diuina virtute a suo subiecto separatum cohereret, suaq[ue] deinde relinquetur natura, ne rationem quidem continuam per se subire posset, cod. lib. 6. c. 10. t. 86. merito enim ad omnem motum requirit Philosophus, cod. lib. 6. c. 3. t. 32. & c. 4. t. 33. & c. 5. t. 40. continuatatem non spaci tangentium, sed ipsis quoque mobilis. Cum enim per se ac ratione suis super ratione aliqua magnitudine cieri, non sit aliud quam per se ac ratione suis singulis magnitudinis partibus adaequare ac commensurari, indivisibile autem non nisi indivisibili adaequare posset, si indivisibile posset

C per se

DISPUTATIO

14

per se continuè moueri, planè fatendum est, quod omnes inficiantur, et magnitudinem ex indiusibilibus tantum partibus constare, & indiusibilia in continuo esse immediata.

XXXVI. Posset tamen punctum v. g. diuina virtute per se moueri continua latione, si (ut non repugnat) à Deo acciperet virtutem quandam diuisibilitatem, consistentem in modo quodam supra naturam sibi addito, per quem punctum quoad situm parti se materi, hoc est, diuisibili commensuraretur, sicut sacrum Christi Domini corpus in Eucharistia per modum quendam supra omnem naturam sibi communicatum, cuius parti specierum Sacramentalium quantumlibet exiguae, atque adeo multò se minori, responderet secundum se totum.

XXXVII. Hac virtuali diuisibilitate puncto concessa, clare patet ex continuo puncti motu minimè sequi, quod linea constet ex solis indiusibilibus, siquidem punctus licet in se partibus careat, non soli tamen puncto spati, sed linea & commensuraretur; quo pacto etiam Angelus et si impartibilis est, quia tamē per virtutem suam extensionem ac diuisibilitatem spatio diuisibili coexistit, ideo continuè moueri potest per spatiū, nisi ad punctum spati se se contraheret (quod Angelum posse, rectè inter alios autores concedunt D. Tho. & Scotus, cùm Angelus materia sit exparsa, nec à corpore locū dependeat) in hoc enim casu discretè moueretur Angelus, propter eadem absurdā, quæ ex motu continuo puncti separati nature suæ relīcti sequi diximus.

XXXVIII. Quinta proprietas; ut Motus omnis fiat in medio pleno, quando re ipsa nullum agens corporeum potest primo agere in distans, sive agere in rem, cui nec secundum suppositum nec secundum virtutem aliquam suam actiuam separatam inter agendum sit coniunctum. Posito tamen diuinitus Vacuo (quod in 4. Phys. c. 7. t. 60. & 1. de Cœlo c. 9. t. 99 describitur locus seu superficies corpore) posset in eo corpus aliquod moueri, sed tantum latione, eis non nisi successiva seu tempora pœna.

XXXIX.

XXXIX. Accidentia præterea motibus ac mutationibus inter se comparatis quedam, quæ Arist. tradit in 5. Phys. c. 3. & reliquis, ut esse unum vel plures sive diuersos generes, specie essentiali vel accidentalí, numero; esse contrarios essentialiter vel accidentaliter. Quoad unitatem ac diuersitatem essentialē, unius generis motus vocat Arist. c. 4. t. 31. quorum termini ad quos in ead. ponuntur Categorīa, plures generes, quorum in diuersis. Motus eiusdem vel diuerso speciei essentiali, requirunt unitatem vel distinctionem specificam essentialē, principaliter terminorum ad quos ultimato rum, secundarij & consecutiū terminorum etiam à quibus ultimato rum, & (in solā latione) medijs formaliter, neutrō verò modo Motoris.

XL. Terminus ultimus est quem motus per se attingeret sublati omnibus impedimentis, que ex parte vel medijs vel mobilis vel mouentis contingere possunt: Terminus non ultimus dicitur, in quo de facto sifit motus, non tamen nisi propter impedimentum extrinsecum. Medium lationis formale, est unum vel plura corpora sive eiusdem sive diuersa speciei, inter locum à quo receditur & locum ad quem acceditur, intersecta, quæ ut quantas sine continua sive contigua à mobili percurruntur. Et hoc medium differt specie, cum per ipsum aliquid fertur secundum lineam rectam, & alind secundum lineam circularem.

XLI. Unus numero seu continuus motus indiget unitate numerali mobilis, termini ad quem, temporis quod non interrupatur media quietis mora, 5. Physic. c. 4. t. 34. & motoris, 8. Physic. c. 6. t. 49. & c. 10. t. 82. qui vel simpliciter vel aequivalenter sit unus, consecutiū autem termini etiam à quo. Si vel unius horum unitas numerica desideratur, iam motus ille abit in multitudinem numeralem.

XLII. Motus essentialiter contrarij sunt, quorum positivi termini ad quos inter se (et secundarij termini a quibus inter se) specie differunt, ut calefactio & frigefactio. Mutationum

contrarietas essentialis v. g. ortus & interitus ignis, et si expeditius sumi potest penes terminos formaliter sumptos, placuit tamen Arist. eam petere ex solis terminis positius & quo unius & ad quem alterius mutationis. Motus ei soli quieti aduersatur, qua est sub termino a quo, ut calefactio aquae repugnat quieti, qua aqua tenet batur sub frigore. Quies sub termino a quo aduersatur quieti sub termino ad quem, ut quies in frigore quieti in calore.

X L I I I . Contrarietas motuum ac quietum bifariam discrepant, 1. Motus magis contrariatur motui quam quieti, ut calefactio frigefactioni magis quam quieti sub frigore, eo quod calefactio admittat frigus in gradu remisso ac proinde quietem sub frigore, nullum tamen alium motum, ne remissum quidem admittit. 2 Motus per se primò contrariatur motui, quies quieti secundario, ratione terminorum quibus insunt. Ead. de causa quies sub termino a quo, contrariatur quieti sub termino ad quem.

X L I V . Eiusdem speciei accidentalis sunt quilibet duo motus naturales vel violenti. Accidentario differunt & contrariantur motus naturalis & violentus. Vox (naturale & violentum) in unitate, diversitate & contrarietate latiorum accipitur strictè, in reliquorum motuum unitate &c. latè. Motus naturalis, strictè sumpto naturali, dicitur is, qui conuenit subiecto vel secundum naturam eius priuatam, ut aqua descendere, vel secundum universalem naturam, & ut pars Universi est, ut aqua per fistulam ascendere ad impedientem vacuum. Violentus motus, strictè sumpto vox (violentum) est non tam is qui repugnat priuata natura subiecti (quo pacto violentum adhuc strictius sumitur & definitur ab Arist. 3. Ethic. cuius principium est extra, passo non conferente vim, & addere, sed renitente) quam is motus qui subiecto stare pugnat secundum universam naturam eius particularem, ut tamen nec secundum universalem naturam, nec ut est in potentia Dei obviat, eidem conueniat v. g. projectio lapidis sursum.

X L V . In hac violenti & naturalis significatione reliqui motus, prater.

praterlationes, non nisi naturales esse possunt. Omnis enim accretio & decretio in gygantibus etiam, qui ob nimiam corporis magnitudinem monstrantur, sit ab intrinseco principio sui subiecti, & omnis generatio substantialis est secundum inclinationem naturalem materiae prime, quae sicut est in potentia naturali ad quamvis formam substantialiem suscipiendam, ita consequenter appetit naturaliter mutationes, per quas formas suscipit. Corruptio substantialis (sicut & alteratio corruptiva) est secundum naturam universalem, cum a natura ordinetur tanquam medium ad generationem alterius substantie. Alteratio demum omnis vel est secundum naturam priuatam subiecti, ut calefactio qua ignis ad natum calorem reducitur, vel est secundum naturam universalem & ad universalis conservationem, ut calefactio qua aqua incandescit aut propter usus hominum, aut ut corrumpatur, ex qua deinde generetur aliud, v.g. ignis.

XLVI. Naturale latè sumptum appellatur, quod sit seruato ordine, tempore, ac modo naturæ visitato; violentum, quod sit tempore ac modo naturæ insueto. Et in hoc sensu non solum generatio contrariatur corruptioni & accretio decretioni, sed etiam generatio generationi, ut tempestiuus florum ac fructuum ortus intempestiuo rosarum aut fructuum ortui, qualem perhibent fuisse in horis Adonidis, qui ad eum finem aquis calidis irrigabantur, Platone ac Plutarcho testibus; & corruptio corruptioni, ut mors senum morti iuuenium; & accretio accretioni, & decretio decretioni, ut cum aliquis homo paulatim augescit usque ad floridam seu consistentem etatem, & in extrema deinde etate imminuitur (que est naturalis accretio & decretio) & alius homo propter cibi ac deliciarum affluentiam citius pubescit, aut ob morbum grassantem qui nutriendi facultatem retardat, ante extremam etatem decrescit; & alteratio alterationi, ut cum ageretus conualescit diebus criticos, est naturalis alteratio, cum extra dies criticos, est violenta alteratio.

DISPUTATIO

13

XLVII. Atque diversitatem ac contrarietatem motuum ex naturali ac violentio utrouis in sensu petitam, accidentarium tantum esse, vel inde perspicere, quod nemo concesserit, calefactionem qua ignis vel à seipso vel ab alio igni ad perfectum caloris gradum reducitur, specie essentiali dissidere à calefactione, qua aqua incalescit, & tamen illa calefactio igni est naturalis, hac aquae violentia quoad prinatam saltem aquae naturam. Ead. est ratio lationis naturalis & violentiae, quemadmodum enim principium lationis v.g. levitas ita determinatum est, ut subiectum cui à natura insidet, v.g. aërem, ad locum non nisi natum vehat, ad concavum scil. ignis, alienum autem subiectum ad non natum, ut exhalationem qua substantia terreæ est, ad medium regionem aëris; ita principium calefaciendi v.g. est determinatum, ut ignem aliag. subiecta quib. naturaliter inest, non nisi ad statum naturæ ipsorum congruentem perducat, aliena vero subiecta ad statum non naturalem: quare si dua huiusmodi calefactio[n]es non essentialiter differunt & contrariantur, nec duo similes lationes.

XLVIII. Motus naturalis ac violentius differunt 1. penes principium actuum; ille enim sit à principio interno, hic ab externo. 2. penes modum, naturalis enim motus velocior est in fine quam initio, contraria motus violentius, ut projectorum, initio quam in fine est velocior s. Phys. t. 61. & 8. Phys. t. 76. & 2. Cœlit. 35. Ille quidem ob impulsu[m] à projectore impressum, qui initio intensor est, & paulatim evanescit; hic propter accidentiarum quandam impulsu[m], quem mobile post illud instans, quo extrinsecè incipit tenderi in propriu[m] locum, naturali quadam emanatione ex innata sibi gravitate vel levitate successu[m] elicit & qui finito motu cessat, i. Cœlit. 88.

XLIX. Ultimum, Motu recto proprium est, non posse continuari per reflexionem, propter specificam terminorum ad quos Motus directus & reflexus tendunt, diuersitatem, non autem uniuersè propter quietem mobilis in puncto reflexionis, ut assūmit Arist. 8. Phys. c. 8. Quanquam enim mobile, semper quiescit tum in puncto reflexa lationis

306

lationis per se ac naturalis, qua per spatum plenum & externam delatum, sua sponte seu absq[ue] obstatulo in quod impingat, reflectitur; tum inter ortum sui ac interitum (materia enim substantiae genite ad nouam formam substantiam excipiendam disponi non potest, nisi in tempore inter eius primum esse, & primum non esse intericto) sum & consequenter inter accretionem & decretionem sui, cum inter ipsas propter adjunctam semper ad generationem & corruptionem substantiam, necessario intericitur tempus; tum plerumq[ue] inter oppositas alterationes, ut calefactionem & frigefactionem, attamen nec in puncto reflexionis localis per se ac naturalis, si moueretur per vacuum, quiesceret unquam; nec necessario quiescit cum a se ipso per spatum plenum mouetur, ut autem quae voluntu aliquem locum attingit; nec unquam quiescit in puncto reflexionis localis violentia seu per accidens, qua mobile regreditur propter obustum obstatulum sine fixum sive contrario motu sibi occurrens, modo mobile & obstatulum adeo dura sint, ut neutrum comprimitur alterius cedat; nec quiescit necessario in puncto eius reflexae alterationis, qua mobile per suam formam substantiam ad natuam se reuocat temperiem, ut ignis ad perfectum calorem, neq[ue] enim incommode fuerit, ut primum non esse calefactionis aquae, sit ultimum non esse frigefactionis eiusdem.

EGREGIAE PIETATIS AC DOCTRINAE
IVVENI, MAGNO LÖCHERER,
harum thesum Assertori.

Bicit te Iuuenem, quisquis, lamigine prima,
Et primo cernit flore virere genas.
Si te de Motu discepantem auditat, vnum
MAGNE, ex Antiquis, te putet esse, Sophis:
Tantum iudicium, sophiaeque scientia tanta est.
Cum spargent cani tempora, quantus eris?

CASPARVS BAYR à Caldiff,
Tyrolensis, συμμεταφυσικός.